

《佛說無量壽經》 補充講表


◎附表二十四：

※於其國土，所有萬物，無我所心，無染著心。

*我：常一主宰。常：恆常住。一：不變異。主宰：自在力。我所：所觀境或依報境界。

※得深禪定，諸通明慧，遊志「七覺」，修心佛法。

*七覺支又名七菩提分，分即支也。



※等觀三界，空無所有，志求佛法，具諸辯才，除滅煩惱之患。

*《中論觀行品》第十三云：「大聖說空法，為離諸見故，若復見有空，諸佛所不化。」

又云：「未曾有一法，不從因緣生，是故一切法，無不是空者。」

*《大乘起信論》云：「是故三界虛偽，唯心所作，離心則無六塵境界。此義云何？以一切法皆從心起，妄念而生。一切分別，即分別自心，心不見心，無相可得。當知世間一切境界，皆依眾生無明妄心而得住持。是故一切法，如鏡中像，無體可得，唯心虛妄。」

※從如來生，解法如如。

江味農居士《金剛經講義》云：「如如者，真如之異名也，皆謂本性。然立二名者，真如是指本具者

言，如如是指證得者言耳。蓋證性之時，智外無理，理外無智；智理冥合，謂之

智如理如，故曰如如也。如如之義，明其能所雙亡也。因其無能證，無所證，迴

脫根塵，靈光獨耀，是以寂照同時。因其寂時照，照時寂，是以無相無不相。」

*《大乘起信論》云：「當知如來善巧方便，假以言說引導眾生。其旨趣者，皆為離念，歸於真如。」

以念一切法令心生滅，不入實智故。」

※善知集滅音聲方便。

集滅：四諦（苦、集、滅、道）略說，有生滅、無生、無量、無作四種四諦。為所證法。

音聲方便：指世俗諦的語言文字。為教法。《楞嚴經》云：「此方真教體，清淨在音聞。」

滿益大師於《楞嚴文句》云：「此方偏用三塵。若黃卷赤牘，則色塵為教體；聞法得悟，

則音聲為教體；歷法觀察，則法塵為教體。今約佛世，聞

音獲證者多，兼以末世，亦從語言指示得悟者眾，故云此

方真教體，清淨在音聞。」

善知：指能悟證法，與通達教法而言。

※知一切法，皆悉寂滅。

《占察善惡業報經》云：「復次，應知：內心念念不住故，所見所緣一切境界亦隨心念念不住，所謂心生故種種法生，心滅故種種法滅。是生滅相，但有名字，實不可得。以心不往至於境界，境界亦不來至於心，如鏡中像，無來無去。是故一切法，求生滅定相，了不可得。所謂一切法畢竟無體，本來常空，實不生滅故。」

※常能修行，其大悲者，深遠微妙，靡不覆載。

《大方廣佛華嚴經普賢行願品》云：「諸佛如來以大悲心而為體故。因於眾生，而起大悲；因於大悲，生菩提心；因菩提心，成等正覺。譬如曠野砂磧之中，有大樹王，若根得水，枝葉華果悉皆繁茂。生死曠野菩提樹王，亦復如是。一切眾生而為樹根，諸佛菩薩而為華果，以大悲水饒益眾生，則能成就諸佛菩薩智慧華果。」

何以故？若諸菩薩以大悲水饒益眾生，則能成就阿耨多羅三藐三菩提故。」

※究竟一乘，至於彼岸，決斷疑網，慧由心出。

*《大乘止觀法門》云：「心性自清淨，諸法唯一心；此心即眾生，此心菩薩佛。生死亦是心，涅槃亦是心；一心而作二，二還無二相。一心如大海，其性恒一味；而具種種義，是無窮法藏。」

*諦閑大師於《大乘止觀述記》云：「心者第六意識，所謂現前一念，不變隨緣者是也。性者，空不

空如來藏，所謂性淨明體，隨緣不變者是也。自，謂本來。此

心雖終日隨緣，而性淨之體不變，故曰本來清淨。」